



**Ni Presidente  
Henry B. Eyring**  
Umuna a Mammagbaga iti  
Umuna a Panguluén

# Panangibinglay iti Ebanghelio a Naimpusuan

**I**sagana ti Dios dagiti tao a nakasagana nga umawat iti ebanghelio tapno maam-ammo dagiti nakasagana a katulonganna a mayat a mangibinglay iti ebanghelio. Napasamak daytan iti bukodyo a biag. No kasano ti kasansan a mapasamak daytoy ket agpannu-ray iti kinamanagsagana ti panunotmo ken pusom.

Addaanak iti maysa a gayyem nga agkarkararag iti inal-daw tapno makaam-ammo iti maysa a tao a nakasagana nga umawat iti ebanghelio. Mangitugot isuna iti maysa a kopia ti Libro ni Mormon. Maysa a rabii sakbay ti ababa a panagbiahe, inkeddengna ti saan a mangitugot iti maysa a kopia ngem ketdi mangitugot isuna iti pass-along card. Ngem idi nakasaganaan a pumanaw, maysa a naespirituan a pammaregta ti simmangbay kenkuana: “Mangitugotka iti Libro ni Mormon.” Impanna ti maysa a kopia iti bagna.

Idi nagtugaw ti maysa a babai nga am-ammona iti abayna iti panagbiaheda, napanunotna, “Daytoy kadin ti tao a pangibinglayak iti ebanghelio?” Naggiddanda manen a nagbiahe nga agsubli. Napanunotna, “Kasano ngata nga irugik ti panangisurok iti ebanghelio?”

Kinunana ketdi kenkuana, “Baybayadam ti apagkapullom iti simbaanyo, di met?” Imbagana a baybayadanna. Imbagana a bayadanna koma ti apagkapullo iti simbaanna ngem saanna nga inaramid. Kalpasanna sinaludsodna, “Ania ti maibagam kaniak maipanggep iti Libro ni Mormon?”

Inlawlawagna a ti libro ket nasantuan a kasuratan,

mainayon a pammaneknek ken ni Jesucristo, nga impartarus ni Propeta Joseph Smith. Kasla interesado isuna, isu nga inruarna ti libro iti bagna ket kinunana, “Natignayak a mangitugot iti daytoy a libro. Panagkunak para kenka daytoy.”

Rinugianna a basaen daytoy. Iti panagsinada, kinunana, “Agsaritanto iti ad-adu pay maipapan iti daytoy.”

No ania ti saan nga ammo ti gayyemko—ngem *ammo* ti Dios—ket ti panagsapsapulna iti maysa a simbaan. Ammo ti Dios a binantayanna ti gayyemko ken masmasdaaw no apay a pinaragsak unay isuna ti simbaanna. Ammo ti Dios a damagennanto maipanggep iti Libro ni Mormon ken sitatallugodto isuna a masuruan dagiti misionario. Nakasaganaan isuna. Kasta met ti gayyemko. Mabalín a makapagsaganata met.

Ti panagsagana a masapultayo ket adda iti panunot ket pusotayo. Nangngegan ti babai ken nalagipna dagiti balikas maipanggep iti Libro ni Mormon, ti naisubli a Simbaan ti Apo, ken ti bilin nga agbayad iti apagkapullo iti Dios. Ken nariknana ti rugi ti pammaneknek maipapan ti kinapudno iti pusona.

Kinuna ti Apo nga ipalgaknanto ti kinapudno iti panunottayo ken iti pusotayo babaen ti Espiritu Santo (kitaen iti DkK 8:2). Kaaduan kadagiti tao a maam-ammoyonto ket addaan iti rugi iti dayta a panagsagana. Nangngegan wenna nabasadan maipanggep iti Dios ken ti balikasna. No umdas ti kinalukneng dagiti

pusoda, nariknadan, nupay saan a nalawag, ti pammatalged ti kinapudno.

Nakasaganan ti babai. Kasta met ti gayyemko, ti Santo iti Ud-udina nga Aldaw a nangadalen iti Libro ni Mormon. Nariknana ti pammaneknek a pudno daytoy, ket nailasinna ti pangiturong manipud iti Espiritu a mangitugot iti maysa a kopia ti Libro ni Mormon. Nakasagana isuna iti panunot ken pusoda.

Isagsagana ti Dios dagiti tao a mangawat iti pammaneknekmo maipanggep iti naisubli a kinapudno. Kasapulanna ti pammatitayo ken kalpasanna ti tignayyo a mangibinglay nga awan panagbuteng no ania ti nagbalin a nakapatpateg kadakayo ken kadagiti ipatpategyo.

Agsagana a mangibinglay babaen ti panangpunoyo iti panunotyoy iti inaldaw kadagiti kinapudno ti ebanghelio. Bayat ti panagtungpalyo kadagiti bilin ken panangdayaw kadagiti katulaganyo, mariknayo ti pammaneknek ti Espiritu ken ad-adda pay iti ayat ti Mangisalakana para kadakayo ken kadagiti maam-ammoyoy.

No aramidenyo ti pasetyo, agtultuloy a maaddan-kayto ti nasam-it a padas a maam-ammo dagiti tao a nakasaganan a dumngeg iti pammaneknekyo maipanggep iti kinapudno—a naipaay a personal manipud iti pusoyo nga agturong iti pusoda.

## PANANGISURO MANIPUD ITI DAYTOY A MENSAHE

Ibilang ti panangbasayo iti mensahe a kaduayo ti pamilia ken paglilinnawagan ti sumaruno iti maudi a parapo, a nangilawlawagan ni Presidente Eyring kadagiti wagas tapno mapapigsa ti pammaneknek ti maysa a tao. Paglilinnawaganyo a kadua ti pamilia ti maipanggep ti kinapateg ti panangiburay iti pammaneknek no ibingbinglay ti ebanghelio. Mabalina a matakuan dagiti ubbing iti pamilia a napateg ti panangyakem iti no kasano ti panangiburay iti pammaneknek kadagiti gagayem.

## AGTUTUBO

### Panangammo no Ania ti Sawen

No mariknayo a saan nga umdas ti ammoyoy maipanggep iti ebanghelio tapno ibinglay kadagiti sabali, maliwliwa kadagitoy a kari manipud kadagiti nasantuan a kasuratan:

“Ngarud, pudno kunak kadakayo, idanonyo dagiti timekyo kadagitoy a tao; baliksenyo dagiti kapanunotan nga imulakto kadagiti pusoyo, ket dikayonto matikaw iti sango dagiti tao;

“Ta maitedto kadakayo iti umno nga oras, wen, iti dayta a kanito, anianto ti sawenyo” (DkK 100:5–6).

“Ti Manangliwliwa, ti Espiritu Santo, nga ibaonto ni Ama iti naganko, isu isuronanto kadakayo dagiti amin a banag, ket ipalagipnanto kadakayo dagiti isu amin nga imbagak kadakayo” (Juan 14:26).

Naindaklan dagitoy a kari, ngem tapno magun-od dagitoy, nasken nga aramidentayo ti pasettayo. Iti daytoy a mensahe, insuro ni Presidente Eyring no kasano: “Agsagana a mangibinglay [ti ebanghelio] babaen iti panangpunno iti panunotyoy iti inaldaw kadagiti kinapudno ti ebanghelio.” Ania ti maaramidyo a mangpunno iti panunotyoy kadagiti kinapudno ti ebanghelio?

## ANNAK

### Agsagana a Mangibinglay

Kinuna ni Presidente Eyring a ti napateg a wagas tapno agsagana a mangibinglay iti ebanghelio ket iti panangpunno iti panunottayo kadagiti kinapudno ti ebanghelio. Ania dagiti sumagmamano a banag a mabalinyo nga aramiden tapno agsagana a mangibinglay?



Pammati, Pamilia, Tulong

# Dagiti Naisangsangayan a Kasapulan ken Naipaay a Serbisio

*Sikakararag nga adalenyo daytoy a material ken, no maitutop, ilawlawagyo daytoy kadagiti kakabsat a babbai a sarungkaranyo. Usarenyo dagiti saludsod a mangtulong kadakayo a mangpapigsa kadagiti kakabsatyo a babbai ken mangaramid iti Relief Society nga aktibo a paset iti bukodyo a biag.*

“Kanayon nga adda dagiti panagkasapulan dagiti sabali,” kinuna ni Presidente Thomas S. Monson, “ket tunggal maysa kadatayo ket makaaramid iti maysa a banag tapno makatulong iti maysa a tao. . . . Malaksid no agserbitayo a sipapasnek kadagiti sabali a malipantayo maipanggep ti bukodtayo a parikut, addaan bassit a panggep iti bukodtayo a biag.”<sup>1</sup>

Kas visiting teacher naimpusuan a maam-ammotayo ken maipateg ti tunggal kabsat a babbai a sarungkarantayo. Ti panagserbi kadagiti sarungkarantayo ket gagangay a sumangbay gapu iti ayattayo kadakuada (kitaen iti Juan 13:34–35).

Kasano ti panangammotayo kadagiti naespirituan ken temporal a kasapulan dagiti kabsattayo a babbai tapno makapagserbitayo no kasapulan daytoy? Kas visiting teacher, karbengantayo ti umawat iti pammaregta no agkararagtayo maipanggep kadagiti sarungkarantayo.

Napateg pay ti panangpatalinaed iti regular a pannakipagkita kadagiti kabsattayo a babbai. Dagiti personal nga isasarungkar, tawag iti telepono, ababa a surat ti pammaregta, e-mails, pannakikatugaw kenkuana, naimpusuan

a pammadayaw, panangkadkadua kenkuana iti simbaan, panangtulong kenkuana iti panawen ti sakit wenno panagkasapulan, ken dadduma pay a tignay ti panagserbi ket makatulong amin kadatayo a mangbantay ken mangpapigsa iti tunggal maysa.<sup>2</sup>

Maidawat nga ireport dagiti visiting teacher no ania ti kasasaad dagiti sabali pay a kabsat a babbai, ania man a naisangsangayan a panagkasapulan dagiti kabsat a babbai, ken ti naipaay a serbisio kadakuada. Dagitoy a kita ti report ken ti panagserbitayo kadagiti kabsattayo a babbai ket makatulong kadatayo a mangipakita iti kinadisipulotayo.<sup>3</sup>

## **Manipud kadagiti Nasantuan a Kasuratan**

Juan 10:14–16; 3 Nephi 17:7, 9; Moroni 6:3–4

## **Manipud iti Pakasaritaantayo**

Ti panagserbi iti tunggal maysa ket kanayonen a napateg a paset ti visiting teaching. Babaen iti agtultuloy a panagserbi mangsangbaytayo iti kinaanus ken panakigayyem nga agturong iti labes dagiti binulan nga isasarungkar. Ti panangtaripatotayo ti napateg.

“Ti tarigagayko ket agpakaasi kadagiti kabsattayo a babbai nga agsardeng nga agdandanag maipanggep iti maysa a tawag ti telepono wenno iti kada tallo a bulan wenno binulan nga isasarungkar,” kinuna ni Mary Ellen Smoot, ti maika-13 a general president ti Relief Society. Indawatna kadatayo a “mangipamaysa ketdi iti panangtaripato kadagiti saan pay a nataengan a kararua.”<sup>4</sup>

Ni Presidente Spencer W. Kimball (1895–1985) insurona, “Napateg nga agserbitayo iti tunggal maysa iti pagarian.” Ngem nailasinna a saan nga amin a serbisio ket masapul nga agbalinka a banuar tapno makapagserbika. “Masansan, a dagiti panagserbitayo ket aglaon iti simple a pammaregta wenno panangted . . . iti tulong nga addaan kadagiti gagangay nga aramid,” kinunana, “ngem pagayusan dagiti nagloriaan a pagbanagan . . . manipud iti babassit ngem sitatallugod nga aramid!”<sup>5</sup>

## **DAGITI NAGADAWAN**

1. Thomas S. Monson, “What Have I Done for Someone Today?” *Liahona*, Nob. 2009, 85.
2. Kitaen iti *Handbook 2: Administering the Church* (2010), 9.5.1.
3. Kitaen iti *Handbook 2*, 9.5.4.
4. Mary Ellen Smoot, iti *Daughters in My Kingdom: The History and Work of Relief Society* (2011), 117.
5. *Teachings of Presidents of the Church: Spencer W. Kimball* (2006), 82.

### ***Ania ti Maaramidko?***

**1.** Agsapsapulak kadi iti personal a pammaregta tapno maamuak no kasano ti sumungbat kadagiti naespirituan ken temporal a panagkasapulan ti tunggal kabsat a babai a naituding kaniak tapno aywanak?

**2.** Kasano a maammuan dagiti kabsat a babai nga ay-aywanak nga ipatpategko ida ken dagiti pamiliada?

Para iti ad-adu pay nga impormasion, mapan iti [reliefsociety.lds.org](http://reliefsociety.lds.org).